


Sirdaryo viloyatida oʻrtacha oylik nominal hisoblangan ish haqi
2025-yilning yanvar-sentabr oylari uchun (dastlabki ma'lumotlar)

- I. Oʻrtacha oylik nominal hisoblangan ish haqining yillar boʻyicha oʻzgarishi dinamikasi.
- II. Shahar va tumanlar boʻyicha oʻrtacha oylik nominal ish haqi.
- III. Iqtisodiy faoliyat turlari boʻyicha oʻrtacha oylik nominal hisoblangan ish haqi.
- IV. Oʻrtacha oylik nominal hisoblangan ish haqining iqtisodiy faoliyat turlari boʻyicha dinamikasi.
- V. Oʻrtacha oylik nominal hisoblangan ish haqi boʻyicha uslubiy tushuntirishlar va metama'lumotlar.

I. Oʻrtacha oylik nominal hisoblangan ish haqining yillar boʻyicha oʻzgarishi dinamikasi

Sirdaryo viloyatida 2025-yilning yanvar-sentabr oylarida oʻrtacha oylik ish haqi **4 930,8** ming soʻmni tashkil etib, oʻtgan yilning mos davriga nisbatan **20,7 %** ga oʻsgan.

Yillar kesimda oʻrtacha oylik ish haqi, ming soʻm



Sirdaryo viloyati boʻyicha oʻrtacha oylik nominal ish haqining soʻnggi besh yillik dinamikasi tahlil etilganida, 2021-yilning 3-choragida **2 518,4** ming soʻmni tashkil etgan, ish haqi miqdori 2025-yilning 3-choragiga kelib **4 930,8** ming soʻmni tashkil etdi va soʻnggi besh yilda **2 412,4** ming soʻmga oshdi.



II. Shahar va tumanlar bo'yicha o'rtacha oylik nominal ish haqi miqdori

Shahar va tumanlar bo'yicha o'rtacha oylik nominal hisoblangan ish haqi miqdori to'g'risidagi ma'lumotlar 2025-yilning yanvar-sentabr oylari uchun keltirilgan bo'lib, 2024-yilning mos davri bilan taqqoslangan.

	Ming so'm	O'sish sur'ati, % da
Sirdaryo viloyati	4 930,8	120,7
Guliston shahri	5 792,1	122,7
Shirin shahri	8 110,9	120,5
Yangiyer shahri	5 225,4	115,8
<i>tumanlar:</i>		
Oqoltin	3 541,8	115,7
Boyovut	5 796,9	125,3
Sayxunobod	3 862,1	113,4
Guliston	3 397,1	121,2
Sardoba	4 030,4	129,3
Mirzaobod	3 718,1	111,1
Sirdaryo	3 898,3	119,0
Xovos	4 075,5	118,1

Tumanlar kesimida o'rtacha oylik nominal hisoblangan ish haqlari bo'yicha eng yuqori o'sish sur'atlari shahar va tumanlarda kuzatildi. Jumladan, Sardoba tumani bu borada yetakchilik qilib, o'rtacha oylik ish haqi 4 030,4 ming so'mni tashkil etib, o'tgan yilning mos davriga nisbatan 29,3% ga o'sganligi kuzatildi.

Shuningdek, bu ko'rsatkich Boyovut tumanida 5 796,9 ming so'mni (o'tgan yilning mos davriga nisbatan o'sish sur'ati 125,3%), Guliston shahrida 5 792,1 ming so'mni (122,7%), Guliston tumanida 3 397,1 ming so'mni (121,2%), Shirin shahrida 8 110,9 ming so'mni (120,5%), Sirdaryo tumanida 3 898,3 ming so'mni (119,0%) va Xovos tumanida 4075,5 ming so'mni (118,1%) tashkil etgan.

O'z o'rnida, o'rtacha oylik nominal hisoblangan ish haqi Yangiyer shahrida 5 225,4 ming so'mni (115,8%), Oqoltin tumanida 3 541,8 ming so'mni (115,7%), Sayxunobod tumanida 3 862,1 ming so'mni (113,4%) hamda Mirzaobod tumanida 3 718,1 ming so'm (111,1%) tashkil etib, boshqa tumanlarga nisbatan o'sish sur'ati pastroq ekanligi kuzatildi.



Iqtisodiy faoliyat turlari bo'yicha o'rtacha oylik nominal hisoblangan ish haqi.

Iqtisodiy faoliyat turlari bo'yicha o'rtacha oylik nominal ish haqi miqdori haqida ma'lumotlar 2025-yilning yanvar-sentabr oylariga oid bo'lib, 2024-yilning shu davriga nisbatan taqqoslangan. Bu taqqoslash orqali sohalar kesimida farqlar va o'zgarishlar tahlil qilindi.

Iqtisodiy faoliyat turi nomi	Ming so'm	O'sish sur'ati, % da
Sanoat	5 680,4	129,1
Qurilish	4 064,8	105,3
Savdo	4 599,6	107,5
Tashish va saqlash	5 744,2	100,2
Yashash va ovqatlanish	1 663,8	110,1
Axborot va aloqa	8 600,1	115,3
Bank, sug'urta, lizing, kredit va vositachilik faoliyati	12 163,5	126,0
Ta'lim	3 939,8	119,0
Sog'liqni saqlash va ijtimoiy xizmatlar ko'rsatish	3 423,0	109,8
San'at, ko'ngil ochish va dam olish	3 328,8	127,7
O'rtacha	4 930,8	120,7

O'rtacha oylik nominal ish haqi iqtisodiy faoliyat turlari bo'yicha tahlil qilinganida eng yuqori o'sish sur'atlari sanoat sohasida qayd etilganligi, xususan, bu sohada 2024-yilning mos davriga nisbatan o'sish sur'ati 129,1% ni tashkil qilgani, ish haqi miqdori esa 5 680,4 ming so'mga yetganligi kuzatildi.

Shuningdek, san'at, ko'ngil ochish va dam olish sohasida ish haqi miqdori 3 328,8 ming so'mni tashkil etib, 27,7 % ga, bank, sug'urta, lizing, kredit va vositachilik faoliyati sohasida ham sezilarli o'sish sur'ati kuzatilib, ish haqi miqdori 12163,5 ming so'mni tashkil etib, o'sish 26,0 % ga, axborot va aloqa sohasida 8600,1 ming so'mni tashkil etib, 15,3 % ga, ta'lim sohasida o'rtacha ish haqi 3939,8 ming so'mni tashkil etib, 19,0 % ga oshganligi kuzatildi.


Shu bilan birga, o'rtacha oylik nominal ish haqi yashash va ovqatlanish sohasida 1 663,8 ming so'mni tashkil etib, o'tgan yilning mos davriga nisbatan 10,1% ga, sog'liqni saqlash va ijtimoiy xizmatlar ko'rsatish sohasida 3 423,0 ming so'mni tashkil etib, 9,8 % ga, savdo sohasida 4 599,6 ming so'mni tashkil etib, 7,5 % qurilish sohasida esa 4 064,8 ming so'mni tashkil etib 5,3 %ga o'sgan bo'lsada boshqa tarmoqlarga nisbatan o'sish sur'ati pastroq ekanligi kuzatildi.

III. O'rtacha oylik nominal hisoblangan ish haqining iqtisodiy faoliyat turlari bo'yicha dinamikasi.

Iqtisodiy faoliyat turlari bo'yicha o'rtacha oylik ish haqi miqdorining so'nggi besh yildagi o'zgarishi tahlil etilganida, 2025-yilning 3-choragida bank, sug'urta, lizing, kredit va vositachilik sohasida ish haqi miqdori 12 163,5 ming so'mni tashkil etib, 2021-yilning mos davriga nisbatan 6 453,7 ming so'mga oshganligi kuzatildi.


Shuningdek, so'nggi besh yilda axborot va aloqa sohasi bo'yicha ish haqi miqdori 5 685,7 ming so'mga, sanoat sohasida 3213,9 ming so'mga, tashish va saqlash sohasida 4 131,4 ming so'mga, savdo 2 294,9 ming so'mga, qurilish sohasida 1 595,4 ming so'mga ko'payganligi kuzatildi.

O'rtacha oylik ish haqining iqtisodiy faoliyat turlari bo'yicha o'zgarish dinamikasi, ming so'm




Sanoat sohasida oʻrtacha oylik ish haqi 5 680,4 ming soʻmni tashkil etgan boʻlsa, uning tarkibi boʻyicha oʻrtacha oylik ish haqi miqdori elektr, gaz, bugʻ bilan taʼminlash va havoni konditsiyalash sohasida 9 348,1 ming soʻm, ishlab chiqarish sanoati sohasida 4 218,1 ming soʻm, suv bilan taʼminlash, kanalizatsiya tizimi, chiqindilarni yigʻish va utilitatsiya qilish sohasida 3 556,7 ming soʻm ekanligi kuzatildi.

Sanoat sohasida ish haqi miqdorining oʻzgarish dinamikasi, ming soʻm




Savdo sohasida oʻrtacha oylik ish haqi 4 599,6 ming soʻmni tashkil etgan boʻlsa, uning tarkibi boʻyicha oʻrtacha oylik ish haqi miqdori avtomobil va motosikllarning savdosidan tashqari ulgurji savdo sohasida 5 634,6 ming soʻmni, avtomobil va motosikllarning savdosidan tashqari chakana savdo sohasida 2 164,8 ming soʻmni tashkil etgan.

Savdo sohasida ish haqi miqdorining oʻzgarish dinamikasi, ming soʻm




Tashish va saqlash sohasida oʻrtacha oylik ish haqi 5 744,2 ming soʻmni tashkil etgan boʻlsa, uning ayrim sohalari boʻyicha oʻrtacha oylik ish haqi miqdori quruqlikdagi va quvur transporti sohasida 8 029,8 ming soʻmni, pochta va kuryerlik faoliyati sohasida 2 963,4 ming soʻmni tashkil etgan.

Tashish va saqlash sohasida ish haqi oʻzgarishi dinamikasi, ming soʻm




Axborot va aloqa sohasida oʻrtacha oylik ish haqi 8 600,1 ming soʻmni tashkil etgan boʻlsa, uning ayrim sohalari boʻyicha oʻrtacha oylik ish haqi aloqa sohasida 9 286,6 ming soʻmni va noshirlik faoliyati sohasida 2 194,5 ming soʻmni tashkil etgan.

Axborot va aloqa sohasida ish haqi oʻzgarishi dinamikasi, ming soʻm




Bank, sugʻurta, lizing, kredit va vositachilik sohasida oʻrtacha oylik ish haqi 12 163,5 ming soʻmni tashkil etgan boʻlsa, uning tarkibi boʻyicha oʻrtacha oylik ish haqi majburiy ijtimoiy sugʻurtalashdan tashqari, qayta sugʻurtalash va nafaqa jamgʻarmalari sohasida 19 264,8 ming soʻmni, moliyaviy xizmatlar koʻrsatish va sugʻurtalash boʻyicha yordamchi faoliyat sohasida 6 940,0 ming soʻmni, sugʻurtalash va nafaqa taʼminotidan tashqari moliyaviy xizmatlar sohasida 13 011,1 ming soʻmni tashkil etgan.

Bank, sugʻurta, lizing, kredit va vositachilik sohasida oʻrtacha oylik ish haqi, ming soʻm



Taʼlim sohasining asosiy tarmoqlari boʻyicha oʻrtacha oylik ish haqi, ming soʻm

Taʼlim sohasida oʻrtacha oylik ish haqi 3 939,8 ming soʻmni tashkil etgan boʻlsa, uning tarkibi boʻyicha oʻrtacha oylik ish haqi oliy taʼlim sohasida 7 198,6 ming soʻmni, texnik va professional taʼlim sohasida 4 112,3 ming soʻmni, umumiy oʻrta taʼlim sohasida 4 194,3 ming soʻmni, maktabgacha taʼlim sohasida esa 2086,3 ming soʻmni tashkil etgan.



IV. O‘rtacha oylik nominal hisoblangan ish haqi bo‘yicha uslubiy tushuntirishlar va metama’lumotlar

O‘zbekiston Respublikasi bo‘yicha o‘rtacha oylik ish haqi to‘g‘risidagi ma’lumotlar korxonalar va tashkilotlar tomonidan elektron shaklda, onlayn tarzda taqdim etilgan statistika hisobotlari ma’lumotlari asosida kichik korxonalar, mikrofirmalar va qishloq xo‘jaligi korxonalarisiz shakllantirilgan.

Respublikaning barcha korxonalar va tashkilotlari, jumladan kichik korxonalar, mikrofirmalar, fermer xo‘jaliklari bo‘yicha o‘rtacha oylik ish haqi to‘g‘risidagi ma’lumotlar yilda bir marotaba shakllantirilib, e‘lon qilinadi.

Ma’lumot uchun: O‘zbekiston Respublikasi Prezidentining 2014 yil 7 apreldagi PF-4609-son Farmoniga muvofiq, kichik tadbirkorlik sub’ektlari va fermer xo‘jaliklari statistika hisobotlarini statistika idoralariga yilda bir marotaba taqdim etishi belgilangan.

Nominal hisoblangan ish haqi – ma’lum bir davr (soat, oy, yil) mobaynida xodim tomonidan ishlab chiqarilgan mahsulot (bajarilgan ish yoki ko‘rsatilgan xizmat) evaziga ish beruvchilar tomonidan, amaldagi qonun hujjatlariga asoslangan holda soliq va boshqa to‘lovlarni o‘z ichiga oluvchi yollanma xodimning mehnatiga haq to‘lash tarzida jismoniy shaxsga pul shaklida hisoblangan daromadlardan iborat.

Hisobot oyi uchun nominal hisoblangan ish haqi quyidagicha hisoblanadi:

$$W_n = \frac{F}{L}$$

Bunda:

W_n – nominal hisoblangan ish haqi;

F – hisobot oyi uchun jismoniy shaxslarga hisoblangan mehnatga haq to‘lash tarzidagi daromadlar;

L – hisobot oyi uchun xodimlarning o‘rtacha soni;

Nominal hisoblangan o‘rtacha oylik ish haqini hisoblash O‘zbekiston Respublikasi Prezidenti huzuridagi Statistika agentligining 2024 yil 31 maydagi 122-sonli qarori bilan tasdiqlangan “Iqtisodiyotda ish haqi miqdorini baholash bo‘yicha uslubiy nizom”ga muvofiq amalga oshiriladi.

Metama’lumot uchun havola:

[Iqtisodiyot bo'yicha ish haqi miqdorini baholash bo'yicha uslubiy nizom](#)